

# ЯНГИ ЎЗБЕКИСТОН

Ижтимоий-сиёсий газета

№ 50 (572), 2022 йил 10 март, пайшанба



www.yuz.uz



yuz.uznews



yuz\_official



yuz.uz\_news



## ЎЗБЕКИСТОН RESPUBLIKASI PREZIDENTI ЭРОН ДЕЛЕГАЦИЯСИНИ ҚАБУЛ ҚИЛДИ



**Ўзбекистон Республикаси Президенти Шавкат Мирзиёев 9 март куни Эрон Ислом Республикаси Миллий хавфсизлик олий кенгаши котиби Али Шамхоний бошчилигидаги делегацияни қабул қилди.**

Ўзбекистон — Эрон муносабатлари янада кенгайтириш масалалари ва минтақавий ҳамкорликнинг муҳим жиҳатлари кўриб чиқилди.

Учрашув аввалида Али Шамхоний давлатимиз раҳбарига Эрон Президенти Иброҳим Раисийнинг саломи ва энг эзгу тилакларини етказди.

Ўзбекистон етакчиси олий даражада эришилган келишувларга мувофиқ икки томонлама ҳамкорлик жадал ривожланиб бораётганини мамнуният билан қайд этди. Узро савдо ҳажми ортмоқда, икки мамлакат етакчи корхоналари ва компанияларининг sanoat кооперацияси кенгаймоқда. Утган ойда Техрон шаҳрида Ҳуқуматлараро комиссиянинг навбатдаги йиғилиши ва бизнес-форум муваффақиятли ўтказилди. Яна бир қатор муҳим тadbирлар режалаштирилган.

Тошкент шаҳрида ўтган Хавфсизлик бўйича қўшма комиссия биринчи йиғилишининг амалий натижалари ижобий баҳоланди.

Сўхбат чоғида савдо-иқтисодий ва транспорт-коммуникация соҳаларида шериклик лойиҳалари ва дастурларини илгари суриш, минтақавий хавфсизликни таъминлаш, шу жумладан, хавфи ортиб бораётган терроризм, экстремизм, трансмиллий жиноятчилик ва наркотикларнинг ноқонуний айланмаси таҳдидларига қарши курашиш масалаларида самарали ҳамкорликни давом эттиришга алоҳида эътибор қаратилди.

Афғонистонда юзага келаётган вазият ҳамда ушбу мамлакатдаги гуманитар инқирозни енгиб ўтишга зарур кўмак кўрсатиш чоралари юзасидан фикр алмашилди.

ЎЗА

Ўзбекистон Республикаси Президенти Матбуот хизмати суради.

### ЯНГИ ШАҲАРЧАНИНГ БОШ РЕЖАСИ КЎРИБ ЧИҚИЛДИ

**Президент Шавкат Мирзиёев 9 март куни “Янги Наманган” шаҳарчасининг иккинчи босқичи лойиҳаси билан танишди.**

Наманган шаҳри ҳам иқтисодиёт, ҳам нуфус жиҳатидан ўсиб бормоқда. Сўнгги беш йилда шаҳар аҳолиси 152 минг нафарга кўпайган. Шу даврда 300 дан зиёд кўп қаватли уйлар қурилиб, қарийб 65 минг фуқаро янги хонадонга эга бўлган.

Жумладан, “Янги Наманган” шаҳарчаси лойиҳасининг биринчи босқичида 330 гектар майдонда 8 минг 500 хонадонли 184 та уй-жой барпо этилди. Шунингдек, 145 гектар майдонда кичик sanoat зоналари ташкил этилиб, 10 минг янги иш ўринлари яратилди.

Бугунги кунда Наманган шаҳрида 30 минг фуқаронинг уй-жойга эhtiёжи бор. Келгуси йилларда шаҳар аҳолиси йилига 25 минг нафарга кўпайиши кутилмоқда.

Шу боис, Шавкат Мирзиёев сайловолди дастурида Наманган шаҳрини “бир миллионлик шаҳар”га айлантириш ва “Янги Наманган” шаҳарчасини кенгайтиришни айтган эди.

Тақдиротда ушбу шаҳарчаниннг иккинчи босқичи бош режаси кўриб чиқилди.

Унга кўра, 272 гектар майдонда 20 минг хонадонга эга 171 та кўп қаватли уй қурилиши режалаштирилган.

Давлатимиз раҳбари уйлари сифати, инфратузилмаси қандай бўлиши билан қизиқди. Мутасаддиларга ҳозир кўп қаватли уйларда яшаётган одамлар ва талаб-горлар билан учрашиб, уларнинг тақлифларини олиш, шу асосида лойиҳани танқидий қайта кўриб чиқиб, батафсил режалаштириш бўйича топшириқ берди.

Худудда уйлари ва муҳандислик-коммуникация тармоқларини тўғри жойлаштириш, биноларда миллий ҳунармандчилигимизга хос безаклардан фойдаланиш муҳимлиги таъкидланди.

Шаҳарча худудиде иш ўринлари ташкил этиш, хизмат кўрсатишни ривожлантириш бўйича кўрсатмалар берилди.

Лойиҳага кўра, бу ерда “Янги Ўзбекистон” боғини барпо этиш ҳам режалаштирилган.

Президентимиз боғ учун дарракт кўчатларини ҳозирдан етиштириш, кўп қаватли уйлар олдида ва йўл бўйлариде ҳам даррактлар экиш зарурлигини таъкидлади.

Наманган вилоятиде кичик sanoat зоналари инфратузилмасини яхшилаш, ички йўллар ва ичимлик суви тармоқларини таъмирлаш масалаларига ҳам эътибор қаратилди. Мутасаддиларга ҳоким ёрдамчиси, ёшлар етакчиси ва хотин-қизлар фаоли ишини ташкил этиш, маҳалларда спорт майдончалари, маиший хизмат мажмуалари қуриш бўйича топшириқлар берилди.

ЎЗА

### Ўзбекистон Республикаси Президентининг ФАРМОНИ

#### ОИЛА ВА ХОТИН-ҚИЗЛАРНИ ТИЗИМЛИ ҚЎЛЛАБ-ҚУВВАТЛАШГА ДОИР ИШЛАРНИ ЯНАДА ЖАДАЛЛАШТИРИШ ЧОРА-ТАДБИРЛАРИ ТЎҒРИСИДА

Мамлакатда хотин-қизларнинг ҳуқуқ ва қонуний манфаатларини ҳимоя қилиш, уларнинг иқтисодий, ижтимоий ва сиёсий фаоллигини ошириш, соғлиғини сақлаш, касбга ўқитиш ва бандлигини таъминлаш, тадбиркорликка кенг жалб этиш, эҳтиёжманд хотин-қизларни ижтимоий қўллаб-қувватлаш, гендер тенгликни таъминлаш борасида олиб борилаётган ислохотларни тизимли давом эттириш, шунингдек, Бирлашган Миллатлар Ташкилоти Глобал кун тартибининг Барқарор ривожланиш мақсадларини изчил амалга ошириш мақсадида:

1. Қуйидагилар:  
2022-2026 йилларда хотин-қизларнинг мамлакат иқтисодий, сиёсий ва ижтимоий ҳаётининг барча жабҳаларида фаоллигини ошириш бўйича Миллий дастур 1-иловага мувофиқ;  
2022-2026 йилларда хотин-қизларнинг мамлакат иқтисодий, сиёсий ва ижтимоий ҳаётининг барча жабҳаларида фаоллигини ошириш бўйича Миллий дастури 2022-2023 йилларда амалга оширишга қаратилган комплекс чора-тадбирлар режаси 2-иловага мувофиқ тасдиқлансин.
2. Белгилаб қўйилсинки, 2022 йил 1 сентябрдан бошлаб:

бюджет ташкилотларидан ташқари барча юридик шахсларда охириги 6 ой давомида узлуксиз

▶ Давоми 2-бетда

#### ДАВЛАТ — ИНСОН УЧУН

### ҲОКИМ ЁРДАМЧИСИ МАҲАЛЛАНИНГ ЯНГИ ҚИЁФАСИНИ ШАКЛЛАНТИРАДИ

**Бу йўлда уни қўллаб-қувватлаш, зарур ҳолларда маслаҳатимизни аямаслигимиз керак**

Юртошларимизнинг дунёқарашини ўзгарди, жамият ҳаёти ва давлат бошқарувида ўз ўрнига эга бўлди. Бунга мисол кўп. Бугун ҳамюртларимиз ўз маҳалласи ҳақида тўлқинланиб гапирди. Боиси, ҳар бир маҳалла ислохотлар марказига айланиб, одамларнинг ҳаёт тарзи ва турмуш фаровонлиги юксалгани, аввало, олис қишлоғи овуллар қиёфаси янгиланганида ҳам намоён бўла бошлади.

▶ Давоми 3-бетда

Президентимиз Шавкат Мирзиёев ташаббуси билан илгари сурилган “Яшил макон” умуммиллий лойиҳаси ва “Яшил йиллик” умуммиллий тадбири кўп миллатли халқимиз томонидан кўтаринки руҳда кутиб олинди. Ушбу хайрли ишларга юртимизда фаолият юритувчи миллий маданий марказлар вакиллари ҳам ўз муносабатини билдирди, миллий маданий марказлар раҳбарларининг халқимизга мурожаати қабул қилинди. Қуйида ушбу мурожаат эълон қилинмоқда.

### ЎЗБЕКИСТОНДАГИ МИЛЛИЙ МАДАНИЙ МАРКАЗЛАР РАҲБАРЛАРИНИНГ “ЯШИЛ МАКОН” УМУММИЛЛИЙ ЛОЙИҲАСИНИ АМАЛГА ОШИРИШ БЎЙИЧА МУРОЖААТИ

Янги Ўзбекистоннинг янги тараққиёт босқичида мамлакатимиз худудида яшовчи миллат ва элатларнинг маданияти, тили, урф-одати ва аънаналарига ҳурмат билан муносабатда бўлиш, уларни ривожлантириш учун шарт-шароитлар яратиш, ёшларни Ватанга садоқат, миллий ва умуминсоний қадриятларни эъзозлаш руҳида тарбиялаш борасида кенг қамровли ишлар амалга оширилмоқда.

▶ Давоми 4-бетда

#### НУҚТАИ НАЗАР

### ИНСОН ҚАДРИНИ АНГЛАТИШ ФАНИ

#### ЁХУД ЖАДАЛ ТАРАҚҚИЁТ БАРОМЕТРИ ҲАҚИДА

Социология атамаси “социо” ва “логос” сўзларининг уйғунлашувидан иборат бўлиб, мазмунан жамиятда юз бераётган ҳамда юз бериши мумкин бўлган жараён, шаклланган ва шаклланаётган жамоаларни ўрганиш, аҳолининг турли табақалари ҳаёти, турмуш тарзидан розилик қайфияти, яъни ижобий ўзгартириш деган мазмунни ифода этади.

Бу вазифалар инсон омилини, одамларнинг фикр-қарашлари, ўй-мулоҳазалари, мақсад ва интилишларини, кимлар билан бириккан ва уюшган ҳолда иш тутишини ҳар тарафлама ўрганиш орқали бажарилади.

▶ Давоми 5-бетда









